



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Libellvs De Principalitate Romanæ Ecclesiæ**

**Roth von Schreckenstein, Hieronymus**

**Ingolstadii, 1550**

**VD16 R 3252**

Ostensio Qvod Romana Ecclesia ex autoritate noui Testamenti sit ordinata  
& constituta.

**urn:nbn:de:hbz:466:1-30126**

ROMANAE ECCLESIAE.  
OSTENSIO QVOD ROMA  
na Ecclesia ex autoritate noui Testamenti sit  
ordinata & constituta.

**P** Rincipio si simplicem ueritatem sine omni furo inue  
stigare desideras, XV. XVI. XVII. & XVIII. Cap.  
Act. Apost. legas & uidebis Paulum miraculose Ro  
mam uenisse, Dimittendus enim, ut dictum est, Praefidi  
uidebatur, nihilominus tamen ob interpositam appella  
tionem sibi Romam ire necesse fuit. Et quamuis naufra  
gium cum multis secum nauigantibus perpeffus sit, ta  
men ipsemet Paulus affirmat sibi Angelum locutu, quod  
oporteat ipsum Caesari assistere. Inquit enim Act. Cap.  
XVII. Astitit mihi hac nocte Angelus Dei, cuius sum  
ego, & cui deseruio, dicens, Ne timeas Paule, Caesari te  
oportet assistere, & ecce donauit tibi Deus omnes qui na  
uigant tecu. Ex quo luce clarius colligere potes Paulum  
per uerba illa necessaria ab Angelo prolata Romam ne  
cessario iuisse. Verbum enim oportet necessitatem de  
signat, ut non tantum ex Prophetæ Esaiæ uerbis inter  
pretatiuis, Immo ex ipsius Angeli uerbis necessarijs ne  
cesse fuit ipsum Romam ire, atque ibidem Sacrosan  
ctam Romanam Ecclesiam constituere. Angelum enim  
inquit DEVS meum mittam, qui te precedat, custo  
diat in uia, introducat in locum tuum, Exod. XXIII.  
Subiungit autem Paulus. Credo enim DEO, quia sic  
erit, quemadmodum dictum est mihi. Vnde apparet  
B ij non

## DE PRINCIPALITATE

non Angeli uerba sed Dei fuisse. Quia dicit se credere Deo. Nec tantum Paulum eripuit Dominus tam periculo naufragio, imò omnes qui una nauigarunt, erant autem animæ ducentæ septuaginta sex. Ita ut miraculum uere admirandum sit, Paulum ex tam sæuo Naufragio cum omnibus suis nauigantibus incolumem euasisse non alia ratione (ut ipsius Angeli immò Dei uerbis utar) quam quod oportebat ipsum Cæsari assistere, id est, Romam uenire & ibidem Ecclesiam Romanam constituere. Quemadmodum enim Romulus & Remus ut Romanam conderet urbem expositi à Lupa nutriti & seruari, sic Paulus ut Romæ principalem constitueret Ecclesiam in eadem urbe Orbis iam Domina ex periculosissimo naufragio euasit.

Secundus Locus noui Testamenti, est ipsius Pauli testimonium ad Roma. i. cap. ubi inquit, Primum quidem gratias ago Deo meo per Iesum Christum pro omnibus uobis, quia fides uestra annunciatu uniuerso mundo. Nam cum Romam tum orbis Dominam ex uniuerso orbe ingens conflueret populorum multitudo, & Romani iam Christi fidem suscepissent, facile fuit fidem eorum annuntiar uniuerso Orbi. Cum ergo fides Christiana per Romanam Ecclesiam uniuerso mundo à principio constitutionis annuntiata sit, quis eam à primordio semper fuisse principalem dubitabit.

Tertius Locus est eiusdem Pauli, ad Romanos enim scribens inquit, sine intermissione memoriam uestri facio in orationibus meis, optans, ut quoquo modo tandem aliquando

## ROMANAE ECCLESIAE.

quando prosperum iter habeam in uoluntate Dei ueniendi ad uos. Non fecit sic Paulus sine intermissione memoriam Hæbreorum uel Græcorum, sed Romanorum tantum, inuocans etiam Deum testem, Neque sic ad quamcunque gentem uenire optauit. Dicit præterea quod optet in uoluntate Dei uenire ad Romanos, ut Romanam iam constitutam confirmaret Ecclesiam, iuxta hæc uerba, ut aliquid impertiar gratiæ ad confirmandos uos.

Quartus Locus sumitur etiam ex eadem Epistola ad Romanos I. cap. Inquit enim, quod desideret consolari in uobis per eam quæ inuicem est fidem uestram atque meam. Seu ut alia habet translatio, ut communem capiam consolationem in uobis per mutuam fidem uestram simul & meam. Quibus uerbis scitissime colligitur Romanos ueram CHRISTI fidem à Diuo Paulo edoctos, atque fidem eorum esse Pauli fidem, & fidem Pauli esse unam fidem cum fide Romanorum. Neque solum sine intermissione memoriam Romanorum fecit, immò consolatus est in eorum fide, tam Christiana enim fuit tum fides Romanæ Ecclesiæ ut & ipse Paulus uas electionis consolatus sit in eadē. Nec sane leuiuscula fuit consolatio Paulum in Vrbe totius orbis Domina principalem iam constituisse Christianorum Ecclesiam, quæ omnium Ecclesiarum totius orbis prima & principalis existat.

Quintus Locus habetur ex epistola ad Romanos. xvii. ubi Paulus inquit, uestra enim obedientia in omni loco divulgata est, uel secundum aliam translationem uestra obedientia ad omnes permanauit, quid autem aliud est, quam

B 3 quod

## DE PRINCIPALITATE

quod prius dixerat, fides uestra annuntiatur uniuerso m<sup>o</sup>do. Nempè ea obedientia quam Romani Christo & Diuo Paulo præbuerunt, diuulgata est in omni loco. Ad Romanos enim tum temporis omnes Reges & Populi respiciebant, & cum ipsi potentissimi totius orbis iam essent obedientes CHRISTI facti, ad illam Ecclesiam principalem omnes aliæ Ecclesiæ quibuscunq; locis constitutæ respiciebant, & hanc intuebantur tanquam urbem quæ totius orbis gubernacula tenebat. Elegantius autem noua translatio illud exprimit, cum dicit, Obedientia uestra ad omnes permanuit. Quid dilucidius dici potuisset, quam ex urbe Romana fidem Christianam ad omnes peruenisse. Necesse est igitur eandem fuisse Ecclesiam principalem ex qua fides Christiana ad alias permanuerit Ecclesias.

¶ Ultimo pius Lector hic considerabit, quod Romana Ecclesia uoce Dñi nostri Iesu Christi, est constituta e. quibus 21. distinct. & Math. 15. cap. sed quia inferius de Potestatis cõessione & clauium traditione & de Confirmatione ex iure Canonico peculiaria capita de hac re scripsimus in dicasse nunc sufficiet, ut pius lector ea quæ de Traditione clauium & potestatis concessione, traditione Cathedræ in medium adducemus, huc etiam accommodare poterit.

**CONFIRMATIO EX PROB**  
*atissimis & fide dignis Historicis & Autoribus Romanam Ecclesiam à Petro & Paulo Apostolis esse fundatam & constitutam, atq; mendacium impudentissimum esse Petrum nunquam fuisse Romæ.*

Eusebius